

Sign. *Mela Fauelk*
08.06.2020

UNIVERZITET U SARAJEVU
FILOZOFSKI FAKULTET U SARAJEVU
Odsjek za pedagogiju
KOMISIJA ZA IZBOR U ZVANJE VIŠEG ASISTENTA
Sarajevo, 27.05.2020. godine

NASTAVNO-NAUČNOM VIJEĆU FILOZOFSKOG FAKULTETA UNIVERZITETA U SARAJEVU

Predmet: Izvještaj za izbor u naučno zvanje – VIŠI ASISTENT NA ODSJEKU ZA PEDAGOGIJU

Na osnovu člana 103., 119. I 135. Zakona o visokom obrazovanju (Službene novine Kantona Sarajevo», broj: 33/17.), člana 104. I 201. Statuta Univerziteta u Sarajevu, broj: 01-1093-3-1/18 od 28.11.2018. godine, prijedloga podorganizacione jedinice Odsjeka za pedagogiju, broj: 02-10/11 od 20.01.2020. godine i mišljenja sekretara Fakulteta, broj: 03-02/51 od 21.01.2020. godine, Vijeće Fakulteta je na 13. redovnoj sjednici održanoj 27.01.2020. godine, donijelo Odluku o raspisivanju konkursa za izbor akademskog osoblja u akademsko zvanje *viši asistent*.

Nastavno – naučno vijeće Filozofskog fakulteta Univerziteta u Sarajevu svojom odlukom br. 02-01/192 od 06.05.2020. godine imenovalo je Komisiju za pripremanje prijedloga za izbor u zvanje *viši asistent* za *PODRUČJE (OBLAST): DRUŠTVENE NAUKE, POLJE: ODGOJNE NAUKE, GRANE: OPĆA PEDAGOGIJA (predmeti: Uvod u pedagogiju, Sociologija odgoja, Sociologija obrazovanja), POSEBNE PEDAGOGIJE (predmeti: Školska pedagogija 1 i 2, Menadžment u obrazovanju), ISTRAŽIVANJE ODGOJA (predmeti: Pedagogijska istraživanja: Naučno – istraživački rad 1 i 2), PEDAGOGIJA, DIDAKTIKA (predmeti: Temeljna nastavna umijeća (zajednički predmet) i Komunikacije u nastavi (zajednički predmet)* na Odsjeku za pedagogiju Filozofskog fakulteta Univerziteta u Sarajevu. Komisiju sačinjavaju sljedeći članovi:

1. Dr. Lejla Osmić, doktor pedagoških nauka/znanosti, docent Filozofskog fakulteta Univerziteta u Sarajevu, na naučnim oblastima *opća pedagogija i posebne pedagogije*, predsjednik,
2. Dr. Dženeta Camović, doktor pedagoških nauka/znanosti, docent Filozofskog fakulteta Univerziteta u Sarajevu, na naučnim oblastima *opća pedagogija i posebne pedagogije*, član,
3. Dr. Sandra Bjelan - Guska, doktor pedagoških nauka/znanosti, docent Filozofskog fakulteta Univerziteta u Sarajevu, na naučnim oblastima *didaktika* (predmeti: Didaktika 1 i 2, Metodika vannastavnog rada, Istraživanja u nastavi), *posebne pedagogije* (predmeti: Osnovi obiteljske pedagogije, Intraobiteljska pedagogija), član.

Konkurs je objavljen u dnevnom listu „Oslobođenje“, na WEB stranici Univerziteta u Sarajevu, WEB stranici Filozofskog fakulteta Univerziteta u Sarajevu, dana 21.03.2020. godine, a zaključen dana 20.04.2020. godine, zbog stanja uzrokovanog pandemijom COVID – 19.

Na objavljeni konkurs prijavila se **jedna (1) kandidatkinja**: Meliha Suljagić, MA, magistar pedagogije – strukovni smjer.

Nakon uvida u prijavu i dokumentaciju, Komisija ima čast Nastavno-naučnom vijeću Filozofskog fakulteta Univerziteta u Sarajevu podnijeti sljedeći:

IZVJEŠTAJ

BIOGRAFSKI PODACI MELIHE SULJAGIĆ, MA

MELIHA SULJAGIĆ

Na

Konkurs se prijavila pravovremeno i predala **potpunu dokumentaciju**.

Meliha Suljagić je studirala na **Filozofskom fakultetu Univerziteta u Sarajevu, Odsjeku za pedagogiju**, oba ciklusa. Prvi ciklus studija u trajanju od šest semestara/tri godine završila je dana 15.07.2009. godine sa prosječnom ocjenom 8,35 i stekla stručno zvanje Bakalaureat pedagogije. Završni rad na temu *Interesovanje učenika završnih razreda osnovne škole za čitanje lektire* na drugom ciklusu studija Odsjeka za pedagogiju odbranila je 02.11.2011. godine i time stekla uvjete za sticanje zvanja Magistar pedagogije – strukovni smjer. Drugi ciklus studija je završila sa prosječnom ocjenom 9,33. Ukupan prosjek ocjena za predmete na koje se kandidatkinja prijavila je 8,83 (na predmetima I ciklusa 8,66 te predmetima II ciklusa 9).

Kandidatkinja je trenutno upisana u VI semestar *Doktorskog studija iz pedagogije – Teorije i istraživanja kreativnog odgoja i obrazovanja*.

Po završetku studija kandidatkinja je sticala iskustva u školama na različitim pozicijama. U periodu od 2011. do 2012. godine bila je pripravnik za obavljanje poslova i radnih zadataka školskog pedagoga u OŠ «Behaudin Selmanović»; učitelj u produženom boravku dva mjeseca tokom 2012. godine u OŠ «Čengiće Vila 1»; pedagog škole u JU Gimazija Obala u periodu od 2012. do 2015. godine; od novembra 2015. do januara 2016. godine pedagog škole u OŠ «Isak Samokovlija»; pedagog škole od februara do jula 2016. godine.

Kandidatkinja je položila stručni ispit 30.03.2012. godine i time stekla pravo na samostalan odgojno-obrazovni rad.

Meliha Suljagić, MA je zaposlena na Filozofskom fakultetu Univerziteta u Sarajevu, neprekidno od 10.10.2016. godine na određeno vrijeme, i dalje.

NAUČNI I STRUČNI RAD KANDIDATKINJE

1. Naučni i stručni radovi

1. DIZDAREVIĆ, Daria, SADIKOVIĆ, Anida, SULJAGIĆ, Meliha, TANOVIĆ-BRANKOVIĆ, Arma. Podsticanje kreativnosti kod učenika u vannastavnim i vanškolskim aktivnostima kao prilika za uapređenje kvalitete života = Encouraging students' creativity in extracurricular activities as an opportunity for improving life quality. *Unapređenje kvaliteta života djece*, ISSN 1986-9886, 22.-24. juna 2018, str. 159-170. [COBISS.BH-ID 9972249] (1.01. izvorni naučni članak)

2. SULJAGIĆ, Meliha, DEDIĆ BUKVIĆ, Emina. Primjena odgojne drame u radu sa djecom u riziku. *Zbornik radova Odsjeka za pedagogiju*, ISSN 2490-2292. [Online izd.], 2018, god. 2, br. 2, str. 202-212.
<http://www.ff-eizdavastvo.ba/Books/SerialPubl/ped/Zbornik-radova-2018.pdf>.
[COBISS.BH-ID 10555673] (1.02 pregledni naučni članak)

3. SULJAGIĆ, Meliha. Interesovanje učenika završnih razreda osnovne škole za čitanje lektire. *Saznanje : zbornik radova ... međunarodnog naučno-stručnog skupa Obrazovanje, jezik, kultura: tendencije i izazovi*, ISSN 2566-4387. [CD ROM izd.], 2018, str. 220-224, graf. prikazi, tabele. [COBISS.BH-ID 11194649] (1.04. stručni članak)

4. HASANBEGOVIĆ, Nela, SULJAGIĆ, Meliha. Kulturna baština i strukturni elementi u udžbenicima za nastavu likovne kulture. U: NESIMOVIĆ, Sanela (ur.), MEŠANOVIĆ-MEŠA, Emira (ur.). *Prozor u svijet obrazovanja, nauke i mladih : zbornik radova = A window into the world of education, science and the youth : proceedings*. Sarajevo: Pedagoški fakultet: = Faculty of Educational Sciences. 2019, str. 114-133, graf. prikazi, tabele.

http://pf.unsa.ba/images/izdanja/Zbornik_radova_PFUNSA_Prozor_u_svijet_obrazovanja.pdf. [COBISS.BH-ID 10748185] (1.09 objavljeno stručni izlaganje na konferenciji)

2. Učešće na naučnim skupovima/konferencijama i sl.

Kandidatkinja Meliha Suljagić, MA je učestvovala na brojnim domaći i internacionalnim naučnim skupovima i konferencijama:

- Obuka nastavnika i direktora škola u okviru projekta Obrazovnog centra za demokratiju i ljudska prava „CIVITAS“ na temu „Integracija pristupa baziranog na ključnim kompetencijama u redovnu nastavu“ (26. maj 2013. godina).
- Trening „Program M: Inicijativa mladića, promocija rodno ravnopravnih normi, zdravih životnih stilova i nenasilnog ponašanja mladih“ u organizaciji Asocijacije XY Sarajevo (Asocijacija za seksualno i reproduktivno zdravlje) i CARE International (28. i 29. maj 2013. godine).

- Seminar: „Attachment and Psychotherapy & Dyslexia“ održan na Internacionalnom univerzitetu u Sarajevu (IUS) u periodu od 8. do 9. maja 2014. godine .
- Seminar: „How to recognize and solve the problem of cheating in classrooms“ održan u prostorijama Američkog univerziteta u BiH (AUBiH) u Sarajevu, 12. decembra 2014. godine.
- Radionica „Zumiraj zapošljavanje mladih“ u sklopu platforme „Zumiraj prava u školi“ koja je održana 13. decembra 2014. godine u Sarajevu.
- Program *Obuke nastavnika i suradnika na Univerzitetu Sarajevo za izvedbu Bolonjskog procesa u svrhu unapređenja kvalitete obrazovnog procesa*, u Sarajevu, u periodu april – juli 2017. godine.
- Učešće na 7. međunarodnom naučno-istraživačkom skupu Jezik, kultura, obrazovanje: izazovi i tendencije u Zenici, sa prijavljenom temom *Interesovanje učenika završnih razreda osnovne škole za čitanje lektire*, 26.04.2018. godine.
- Program Obuke akademskog osoblja na Univerzitetu u Sarajevu o inkluzivnom obrazovanju, Sarajevo, 20. i 21.04.2018. godine
- Radionica Individualne i društvene posljedice neizvjesnog gubitka – podrška fakultetima i istraživanjima BiH, Banja Luka, 23.03.2018. godine.
- Međunarodna pedagoška konferencija „Obrazovanje za budućnost“ u organizaciji Udruženja prijatelja Waldorfske pedagogije, Sarajevo, 05.05.2018. godine.
- IX Međunarodna naučno-stručna konferencija „Unapređenje kvalitete života djece i mladih“ Harkanj, sa prijavljenom temom *Poticanje kreativnosti kod učenika u vannastavnim i vanškolskim aktivnostima kao prilika za unapređenje kvalitete života*, 22-24.06.2018. godine.
- 2. Međunarodna znanstveno-stručna konferencija „Ka novim iskoracima u odgoju i obrazovanju“ održanoj na Filozofskom fakultetu Univerziteta u Sarajevu povodom obilježavanja 55. godina Odsjeka za pedagogiju, 05.10.2018. godine.
- Sudjelovanje i izlaganje na konferenciji *Prozor u svijet obrazovanja, nauke i mladih* sa radom pod nazivom *Kulturna baština i strukturni elementi u udžbenicima za nastavu likovne kulture*. Konferencija je održana na Pedagoškom fakultetu Univerziteta u Sarajevu, 12. - 13. 04.2019. godine.
- Učešće u projektu *Smjernice za unapređenje nastavničke profesije* u ulozi mladog istraživača u akademskoj 2017/18. godini i 2018/19. godini

Meliha Suljagić, MA svojim aktivnim sudjelovanjem u ulozi **predavača** daje doprinos u provođenju različitih oblika stručnog usavršavanja i obuke za nastavnike, pedagoge i druge aktere pedagoške prakse. Neke od **kontinuiranih aktivnosti** u ovom području su:

- predavanje/radionice za stručne uposlenika KJU „Disciplinskog centra za maloljetnike“;
- predavanje u okviru Permanentnog stručnog usavršavanja nastavnika u osnovnim i srednjim školama na području Kantona Sarajevo koje organizira Filozofski fakultet Univerziteta u Sarajevu;
- predavanje u okviru programa Pedagoškog obrazovanja nastavnika Odsjeka za pedagogiju Filozofskog fakulteta Univerziteta u Sarajevu.

Kandidatkinja Suljagić redovno a u skladu s odlukama Odsjeka **učestvuje u odsječkim i fakultetskim aktivnostima** kao što su obilježavanje Dana otvorenih vrata Filozofskog fakulteta Univerziteta u Sarajevu, rad Komisije za prijem i upis studenata u na studij Pedagogije, te je u ak. 2019/20. godini imenovana za novog sekretara programa Pedagoškog obrazovanja nastavnika Odsjeka za pedagogiju.

NASTAVNO - PEDAGOŠKIRAD

Meliha Suljagić, MA je zaposlena na Odsjeku za pedagogiju Filozofskog Fakulteta Univerziteta u Sarajevu u zvanju asistenta od 10.10.2016. godine. U tom periodu kandidatkinja je ostvarivala interakciju sa velikim brojem studenata kako na Odsjeku za pedagogiju tako i sa studentima drugih odsjeka na kojima kandidatkinja realizira vježbe u okviru općih predmeta. Ta interakcija i komunikacija je izvrsna čemu svjedoče i visoke ocjene dobivene od strane studenata pri provedbi evaluacije rada nastavnog osoblja na Univerzitetu.

Matična oblast kandidatkinje upravo jeste pedagogija te je i tokom studija na oba ciklusa razvila kompetencije potrebne za obavljanje odgojno – obrazovnog rada. Osim u nastavnom radu sa studentima, kandidatkinja je nastavnička iskustva sticala i tokom rada u školama na mjestu učitelja u produženom boravku te pedagoga škole. Ovakav angažman doprinio je da kandidatkinja bude u mogućnosti sagledati nastavni proces s aspekta njegovih različitih aktera.

Poslove i zadatke na poziciji asistenta Meliha Suljagić, MA izvršava vrlo savjesno, odgovorno imajući u vidu kompleksnost nastavničkog poziva i cjelokupnog nastavnog procesa. Osim toga, kandidatkinja vrlo predano obavlja sve administrativne poslove koji su vezani za predmete u okviru kojih realizira vježbe ali i sve one koji se očekuju od Poslodavca.



Kandidatkinja ostvaruje i izvrsnu komunikaciju sa kolegama na matičnom Odsjeku, ali i kolegama drugih odsjeka Filozofskog fakulteta pa i Univerziteta u Sarajevu.

PRIJEDLOG

- Meliha Suljagić, MA već radi u zvanju asistenta na predmetima *Uvod u pedagogiju, Sociologija odgoja, Sociologija obrazovanja, Školska pedagogija 1 i 2, Menadžment u obrazovanju, Pedagogijska istraživanja: Naučno – istraživački rad 1 i 2, Temeljna nastavna umijeća i Komunikacije u nastavi* na Odsjeku za pedagogiju Filozofskog fakulteta Univerziteta u Sarajevu.
- Kandidatkinja je objavila naučne i stručne radove te učestvovala u brojnim domaćim i internacionalnim konferencijama i skupovima čime iskazuje spremnost kako za učešće tako i za promociju naučno – istraživačkog rada posebno u području pedagogije.
- Svojim stručnim angažmanom i naučnim radom kandidatkinja Meliha Suljagić, MA daje značajan doprinos razvoju i promociji pedagoške teorije i prakse.

Na osnovu svega navedenog u ovome Izvještaju, u kojem se obrazlaže naučni, stručni i nastavno – pedagoški rad, Komisija sa zadovoljstvom predlaže da se **Meliha Suljagić, MA izabere u zvanje viši asistent** za **PODRUČJE (OBLAST): DRUŠTVENE NAUKE, POLJE: ODGOJNE NAUKE, GRANE: OPĆA PEDAGOGIJA** (predmeti: *Uvod u pedagogiju, Sociologija odgoja, Sociologija obrazovanja*), **POSEBNE PEDAGOGIJE** (predmeti: *Školska pedagogija 1 i 2, Menadžment u obrazovanju*), **ISTRAŽIVANJE ODGOJA** (predmeti: *Pedagogijska istraživanja: Naučno – istraživački rad 1 i 2*), **PEDAGOGIJA, DIDAKTIKA** (predmeti: *Temeljna nastavna umijeća (zajednički predmet) i Komunikacije u nastavi (zajednički predmet)* na Odsjeku za pedagogiju Filozofskog fakulteta Univerziteta u Sarajevu.

KOMISIJA:

1. Dr. Lejla Osmić, predsjednik,

2. Dr. Dženeta Camović, član,

3. Dr. Sandra Bjelan - Guska, član.
